

MORI L'INNUCCENZA

Progetto didattico "Contro la guerra"

Scritta per gli alunni della Scuola media di Finale nell'anno scol. 1983/84

Spararu a mpicciriddu muortî-fami,
mancu jai rissi, scuppau n terra.
La maṭṭri l'accampàu cu li mani
e vardannu n cielu rissi: *chista è la verra..?*

Si la şṭrinciu m piettu dḍa criatura
cuomu la Vergini Maria şṭrinciu a Gesù;
chi rienti şṭritti e la fronti chi sura,
senza na lacrima,...nu-nn'avia cchiù.

Stanchi, nuri, senza acqua e-ppani,
senza sapiri picchè sta verra cc'è.
Nun sanu si su uomini o su cani,
nun sanu si dumani u suli cc'è.

L'uomu nun sapi cchiù chidḍu chi-vvoli;
si senti ṭroppu ranni..., ma nicu è.
E' fattu di sulu chiacchiri e-pparoli,
ma mentri a genti mori idḍu nun c'è.

A vita, cara a tutti buoni e tinti,
ricca, beḍḍa e tutt'acculurata,
è donu ri Ddiu e pi tutti quanti
perciò, di nuḍḍu va tuccata..!

Lucio Vranca